

欽定剿平三省邪匪方略

欽定剿平三省邪匪方略正編卷三百五

壬戌年

三月初三日

癸酉

勒保奏言

臣

查陳自得一股餘

匪經官兵在蒲包山痛剿所剩不及二百人有
賽冲阿温春蒲尙佐等帶兵追躡儘數辦理宋
國品本非著名首逆自在子木垭地方經官兵
剿散後餘匪竄向開縣一帶現有張志林一路
官兵在彼策應就近探剿惟張添倫一股係襄

陽積年老賊近在川北境內勾結魏家營殘匪
輾轉奔竄田朝貴一路官兵日久未能得手自
叅將李芝榮陣亡後賊勢頗覺鴟張近經添

撥將弁帶領鄉勇千餘名前赴田朝貴一路協

剿兵力壯盛該匪始行東竄昨在木箐壩大加

痛剿兇鋒已挫必須乘此勝機窮其所向以期

趕緊剿淨是以臣一面飭田朝貴追蹤緊躡臣

亦督兵繼進策應十八日田朝貴等帶兵追至
巴州所屬之土壩營探得該匪已竄過陳家坪
向土地堡金子寺一帶分竄相距我兵七八十
里官兵遂連夜進發行抵金子寺天色微明賊
匪尙未起營官兵三路兜截遊擊王忠桂千總
盧仕榮張之仁等分帶兵勇抄截賊前都司馬
建廷守備鍾廷孝劉寶元等分帶兵勇抄截賊

後田朝貴督率大隊官兵從穀子山大梁直衝而下該匪驚惶起竄我兵四面兜圍殺斃賊四十餘名生擒五十餘名首逆張添倫帶領賊手兩次衝突奪路皆被兵勇截回該逆見無路可逃卽捨命抗拒鄉勇內有認識張添倫者見該逆已被我兵圍住皆踴躍百倍當有軍功旗手賀天貴廖榮鄉勇包相卿魏其隴張順等五人

併力向前將張添倫立時殺斃隨又有賊目二
人帶衆前來奪取張添倫屍身復被外委李必
榮軍功伍得勝等各帶兵勇立時殺斃并斃賊
四十餘名當令所擒活賊指認殲斃兩賊目一
係僞元帥陳國珠一係僞總兵魏學盛餘匪向
李家嘴敗走復經遊擊王忠桂一路兵勇迎頭
兜截斃賊二十餘名都司馬建廷等一路兵勇

向上河沙灘口截殺又斃賊十餘名該匪順河
向留坪一帶奔竄我兵緊躡追殺先後斃賊七
八十名生擒八十餘名追逼落河淹斃二十餘
名餘匪分路奔竄我兵亦分路追殺三四十里
五六十里不等沿途各有斬獲至晚回至金子
寺紮營查點各隊兵勇共殺賊二百餘名生擒
男婦二百二十八名口內有張廷舉一名係張

添倫之胞姪向在賊營管事衆人稱爲三掌櫃
又有楊廷獻周心泰二名皆係賊營僞總兵經
田朝貴將生擒各犯並割取各首逆首級稟解
前來_臣當卽親加查訊據張廷舉供我係襄陽
縣人父親張添美與張添倫同胞兄弟向來從
王廷詔習教嘉慶元年二月在本縣雙溝地方
起事同時有棗陽縣的張世龍張世虎前來合

營那王廷詔李淑張漢潮們都是一起的後來
夥衆多了就分營行走連年在湖北陝西甘肅
四川往來搶掠與官兵打仗不計次數前年父
親張添美死了我便接手管事衆人都稱我爲
三掌櫃去年在老林裏有魏家營二百多人前
來合夥至十月出山張魏兩營有五個元帥我
叔子張添倫是總元帥還有張如選陳國珠魏

洪升顏中考四個是副元帥張如選去年跌死
了現在陳國珠領頭管事那魏學盛是個總管
他在營裏每日齊人遇有攙前落後便將木棒
打死所以衆人取他混名叫做魏梓梓我們兩
營於本月初十日在木箐壩遇著官兵打散逃
到巴州又被官兵趕上叔子張添倫并魏學盛
陳國珠同時被殺魏洪升顏中考不知逃往何

處我被拏住等語

臣

當將所割張添倫魏學盛

陳國珠等首級攙列令該犯與衆賊隔別指認

均屬相符是張添倫一犯與魏學盛卽魏棒棒

等臨陣殺斃毫無疑義

臣

訊明後當將張廷舉

楊廷獻周心泰三犯磔剖示衆其餘活賊內有

有旗手楊昌朋等十二名凌遲處死戰手馮步

舉等一百五十名概行正法被脅男婦大小六

十三名口分別遞籍保釋查此二股賊匪合營
後有一千數百人佔川北竄擾牽綴我兵今旬
日之間官兵連次痛剿將兩股著名首逆殲除
逆姪張廷舉及偽總兵楊廷獻周心泰同時就
縛匪衆十去其七惟尙有偽元帥魏洪升顏中
考二犯未獲然餘匪無多現在臣卽趕赴田朝
貴一路督同乘勝緊躡剿辦卽日可期殲淨此

次官兵鄉勇殲斃著名首逆及擒獲緊要各賊

目甚爲出力可嘉

臣

現已撥銀一千兩發交田

朝貴令查明出力兵勇分別獎賞以示鼓勵奏

入

上命軍機大臣傳諭勒保曰張添倫一犯係襄陽起

事首逆在川陝等處屢次抗拒官兵肆其荼毒輾

轉稽誅實屬罪大惡極近又勾結魏家營殘匪在

川北境內奔竄經勒保飭令田朝貴追蹤緊蹙連
得勝仗該逆竄過陳家坪一帶官兵三路追擊四
面兜圍立將該匪殺斃並將偽元帥陳國珠偽總
兵魏學盛一併殲斃復將張添倫胞姪三掌櫃張
廷舉偽總兵楊廷獻周心泰擒獲共殺賊二百餘
名生擒男婦二百二十餘名口所辦可嘉之至此
皆仰荷

聖佑深恩叩感不盡此股賊匪前經勒保奏明派令
田朝貴專辦嗣因賊勢鴟張勒保卽撥將弁帶領
鄉勇千餘名前赴協剿勒保復親往策應官兵聲
威壯盛賊匪無路奔逃得以痛加剿殺俾積年著
名首惡不致漏網固由將弁人人奮勇究因勒保
調度得宜所致勒保著加恩交部議敘田朝貴帶

兵緊躡該匪不予以暇並督兵連夜進發殲獲巨
夥實屬奮勇田朝貴著加恩賞給提督銜如從前
未得花翎卽著加恩賞戴花翎其遊擊王忠桂都
司馬建廷守備鍾廷孝劉寶元千總盧仕榮張之
仁據勒保奏稱俱分帶兵勇甚爲出力著勒保卽
查明如何出力之處再行保奏候朕加恩軍功旗
手賀天貴廖榮鄉勇包相卿魏其隴張順等當張

添倫被圍之時併力向前立時殺斃追賊匪奪取
張添倫屍身外委李必榮軍功伍得勝二人又將
該賊匪等奮勇殲獲殊爲可嘉李必榮著卽以把
總陞用賀天貴廖榮伍得勝包相卿魏其隴張順
著勒保查明如向無頂戴卽賞給八品頂戴如本
有頂戴著加一等賞給勒保現已撥銀一千兩賞
給出力兵勇所有李必榮等七人著加恩各再賞

給銀一百兩俾知感勵現在勒保已趕赴田朝貴
一路緊躡督剿務須乘此兵威將零匪全行掃蕩
俟川北全就肅清彼時再當酌量情形或幫同德
楞泰將川東餘匪剿辦或仍在川北堵截苟文明
勿令竄入此等機宜朕亦不爲遙制惟在勒保等
同心併力速戢鉅功至魏棒棒一犯現經軍營奏
報業經殲斃何以此次摺內稱殲斃之魏學盛卽

魏棒棒著查明遇便覆奏又魏洪升顏中考二犯
逃竄未獲從前軍營奏報曾有顏勝可一名與魏
棒棒合夥奔竄未經弋獲此次所稱顏中考一犯
是否卽係顏勝可亦著查明覆奏

初六日

內子

吳熊光全保長齡奏言

臣

長齡探聞

王曾等逆向北狂奔已近南漳邊界誠恐闖入
襄陽等境當卽飛札孫清元吉林泰由東路繞

赴賊之北面迎蹤攔截顧住襄宜均穀等處

臣

長齡緊躡賊後儘力追擊探聞賊匪已竄南漳之重陽坪等處適孫清元等由東北抄截而來

該匪探知前路有兵卽折向西南由保康之簡

口釐利店一帶向房縣青峯狂奔時

臣

全保由

公坪樣子樹嶺趕抵西南之七連坪冷盤壩等

處探知陳逆已由興山逃回巫山境內並慮王

曾等匪復向西南折竄

臣

全保卽督率總兵德

昌副將李天林帶領兵勇趕赴斗口於險隘處

所扼堵該匪知南路有兵卽折向西北亡命狂

奔由玉瓶河萬家河竄至房縣北鄉之東浪地

方時

臣

長齡追至青峯山由捷徑翻越數重大山

於二十四日黎明趕抵東浪賊匪正欲起營瞥

見我兵猝至卽紛紛搶據陡險大梁並分賊兩

股潛伏左右溪澗又於後面山凹之內藏匿馬賊計圖抵死抗拒

臣

長齡當派遊擊王占鰲都

司馬濟盛守備唐光裕督率首領李貴等帶領奮勇鄉勇直上陡險山梁攻撲並派叅將承祿德興遊擊高承燿等帶領官兵隨後接應又派都司羅綸守備陳添壽各帶兵勇分由左右溪口進擊以免賊匪抄截我兵之後

臣

長齡親率

侍衛富翰呢瑪善總管都當阿等帶領馬隊官兵往來策應時大隊之賊據住山梁恃險擲石抗拒兵勇不避艱險奮力仰攻鎗斃賊匪二十餘名詎騎馬之賊由兩旁山腰直奔而上欲衝我兵之後臣長齡親率馬隊分馳衝擊矢發如雨應弦而倒者三十餘名帶傷不計其數並有執旗馬賊一人被箭射中肩甲翻身落馬經衆

賊搶救飛奔遁去我兵趁勢擁上山梁登時斃
賊六七十人將賊壓下遊擊高承耀衝入賊隊
手刃二人猝中矛傷陣亡賊復迎撲上長齡親

督馬步兵勇竭力衝殺將賊壓過三重山坡追
殺二十餘里沿途又斃賊一百餘名生擒活賊
楊大名等二十四名奪獲騾馬器械無數訊據
活賊楊大明及寨勇擒獻之賊探陳其明等供

稱樊人傑與曾芝秀商量原要到襄陽去因見
北面有兵就折回南路聞斗口地方有官兵追
來纔向西北逃走不料又遇官兵殺敗把我們
拏獲射中肩甲落馬的就是曾芝秀被衆人救
出等語並令於殺死各賊內認出偽總兵劉昌
武何添祥僞先鋒周貴金隨令各賊分別指認
均屬符合查該犯楊大明等均係積慣牙手當

各正法尙有散出難民五十三名一併省釋此
次總共殺賊二百二十餘名該匪現向龍坪大
木廠一帶西竄有入竹山之勢此時孫清元吉
林泰由均穀郎縣邊界迎蹤攔截卽可顧住北
面臣長齡與臣全保自東向西緊追前進適臣
吳熊光接據遊擊敖世俊等稟報前次竄入竹
谿各股零匪或分或合往來滋擾十七日該遊

擊帶領兵勇四百名行至跨谷巖探聞泉溪有賊一股在彼攻撲民寨該遊擊馳赴泉溪適圍練委員王炳輪帶領義勇前來會合當卽兩路進擊鎗斃賊匪七名餘匪由和合埡向柳林扒竄去寨圍遂解該遊擊等追至柳林扒該匪等據住山梁抗拒當卽施放鎗礮又斃賊數名併打倒執旗頭目一名餘賊遂向張家山奔逃并

據散出難民張成富等供稱此股賊匪係川陝
各股零匪湊合內有高元帥李黃二總兵管事
共有五六百人等語又據竹谿縣徐如灝稟報
該縣之香溪楊古碕邊江口等處亦有零匪竄
擾查竹谿零匪雖經臣吳熊光酌派遊擊敖世
俊守備鄧興相各帶兵勇數百名前往分投搜
捕但賊數稍多鄉勇究不足恃臣吳熊光正在

躊躇閒適

臣

全保長齡追趕賊匪相距房縣不

遠

臣

吳熊光卽馳赴軍營三面商確目下王曾

等逆大股勢漸窮蹙正當併力合攻不便遽分

兵力惟查有隨

臣

全保帶兵之副將孫應奉人

甚勇往

臣

等當於兩營抽撥官兵一千名交孫

應奉帶領前赴竹谿督同敖世俊鄧興相分投

剿捕

臣

長齡卽由黃龍堰陳家鋪一帶顧住東

面緊躡追剿

全保由下店子秦口一帶包住

南面抄截以期與孫清元等三面夾擊迅速集

事

吳熊光又奏言全保長齡與

臣

商定後卽分路

追賊前進

臣

回至房縣接防守巴東邊卡同知

尹英圖稟報巫山各股賊匪連日攻撲卡隘均

被兵勇截退十七日有賊一股由燕子硐深巖

翻越老林繞入巴東曾家嶺該同知督率首領
胡祥等帶領鄉勇直前截剿殺斃賊匪三十餘
人生擒活賊陳昌賢一名搶獲刀矛數十件訊
據活賊陳昌賢供稱此股係藍號先鋒冉啓才
與別號先鋒芥苟等姓合夥向在巫山掠食因
聞叅贊德將軍前來剿捕要到湖北躲避纔翻
燕子碕老林繞到曾家嶺等情臣因無兵派援

且房竹距巴東千有餘里緩不濟急正在躊躇
間又據巴東縣戴聖哲稟報叅贊德楞泰派兵
三千名自巫山坐船由水路順流而下已於十
七日到巴東縣境現在自東向西截剿等語臣
查德楞泰旣已派兵抄赴東路兜剿自可將冉
井等逆攔回巫山聚殲第恐該匪等情急旁竄
深入楚地則楚省亦應派兵攔截以便夾擊集

事臣一面差弁確探賊蹤一面知會全保長齡酌分官兵預備倘川兵未能攔回卽令飛赴東路協同剿辦均奏入

上命軍機大臣傳諭吳熊光全保長齡曰前此王會等股賊匪在高良坪一帶屯紮經長齡帶兵前往乘賊匪在民房熟睡之時奮力剿殺斃賊多名此次該匪等竄至房縣北鄉地方復經長齡帶兵趕

上賊匪恃險抗拒長齡督派兵勇分路進擊親率
馬步兵勇竭力衝殺追剿二十餘里斃賊二百餘
名奪獲騾馬器械甚多並將首逆曾芝秀射中肩
甲兩次勝仗俱係長齡之功長齡著交部議敘其
在事出力之將弁兵勇著長齡查明存記俟辦竣
此股賊匪後奏聞加恩現在此股賊匪有竄入竹
山之勢孫清元在均穀一帶攔截長齡全保向西

前進務須乘此兵威勝勢奮力兜擒一鼓掃蕩不
可稍有鬆勁至竹谿等處現有零匪奔竄吳熊光
等三面商確以王曾大股爲重三路官兵不便捨
而之他抽撥官兵一千名交副將孫應奉帶往督
剿所辦尙好但巴東曾家嶺地方又有巫山竄匪
偷撲卡隘無兵派撥湖北兵勢稍單朕前已降旨
吳熊光令其於湖南省酌調弁兵以資協剿此時

竹谿一處竄匪全保長齡已不能兼顧另派孫應
奉前往剿辦此外豈再能撥兵預備耶現在泰贊
德楞泰派兵三千名由巫山水路順流而下此項
官兵行抵楚省卽已將巴東竄匪截剿回川現兵
足敷辦賊自無庸再爲檄調倘川東尙有應辦之
賊德楞泰不能兼顧吳熊光當酌量情形在於湖
南鎮協各營內添調弁兵前來湖北幫同堵剿一

面奏聞一面檄調斷不可存惜費之見亦不可因
此時剿賊將竣不值再行征調多兵致辦理又稽
時日所有壓賊陣亡之遊擊高承耀著咨部賜卹

初七日

丑

丁德楞奏言

臣

由楊溪河取道大昌

探剿大寧山內之張子聰並苟樊二逆各餘匪
移師向西北進發二十二日兵抵大昌接據大
寧文武稟報張姓等兩股餘匪先後均已竄向

開縣境內有出山之勢查張姓等賊匪旣已竄
出開縣而大寧山內又無賊匪可剿應卽改道
自東北向西南探剿綠字號併白號餘匪遂由
水口龍溪河楊橋壩一帶前進二十五日至奉
節之竹園坪探報有一股賊匪約四五百人屯
於雲奉交界之板廠溪相距我營五六十里
臣
恐賊匪知覺卽於三更發兵星夜前進黎明趕

至該處賊匪業已起營向鳳凰頭大山奔竄

臣

督催馬步兵勇趕至得勝壩遙見賊衆紛紛正

在上山察看鳳凰頭山勢約高十五六里陡險

異常必須分兵旁抄後擊方能得手當令各營

捲旗暗進派達勒精阿馬瑜副將達自祥遊擊

馬文斌等帶領步隊兵勇由鳳凰山脚一路仰

攻

臣

督率色爾滾侍衛蘇爾紳總管富登阿副

將銜馬應國等帶領馬步兵勇繞上二台坪從
旁抄出詎該逆倚恃險窄膽敢憑高推滾擗石
拚死下壓我兵屹然不動鎗箭齊施愈攻愈緊
維時臣之兵抄至二台坪不遠已在賊旁馬瑜
馬應國率領兵勇冒石仰攻馬文斌亦奮勇競
進賊衆見兩路官兵分剿退上二台坪地勢稍
寬馬瑜馬應國等乘勢搶上達勒精阿色爾滾

富登阿蘇爾紳等帶領馬隊直衝箭射鎗擊刀
砍矛戳立斃精壯戰手三十餘名擒獲周朝富
等六十四名兩路官兵趕緊追殺直至山頂有
賊八九十名向南直奔雲奉溝逃去其餘賊衆
過紫峽河上大面坡亡命狂奔適豐紳武隆阿
亦自天池蒿枝壩追剿前來臣卽令該提督等
帶同侍衛明喜總管富僧額副將鄭啟貴張良

槐等率領兵勇向雲奉溝趕追旁竄賊匪臣督

率達勒精阿色爾滾馬瑜等帶領馬步兵勇過

紫峽河趕剿大衆之賊翻過四重大山沿途斬

殺賊匪一百一二十名生擒向於成等匪婦二

百三十一名口搶獲馬騾驢牛旗矛甚多直追

至雲陽之馮家營只剩賊匪十一名騾一頭向

上三壩北逃該處可通沙陀子馬槽壩大水田

一帶時已天晚計日行有一百五六十里兵馬
已乏卽於小神堂紮駐豐紳等帶兵由雲奉灌
追剿旁竄賊匪趕至三個包旋據呈繳耳記三
十七副活拏楊友品等二十二名并馬騾旗幟
刀子解送來營據稱只剩三四十人竄向奉節
之香坪該處亦可由大水田馬槽壩而至沙陀
子查雲奉各碉寨委派團勇素屬得力可期悉

數殲擒隨令獲犯周朝富等於各逆內指出教

首李國珍一名係嘉慶四年間

臣

掃除線字號

賊匪時所獲教首李國清之胞弟又偽總兵余

佐志唐大高二名旗手趙思文王得勝二名李

國珍之父李世漢一名余佐志之嫂趙氏並其

妹余公姑余四女前經正法之探馬頭梁方義

之妻張氏並稱元帥龔其堯在鳳凰頭山上已

被亂軍殺死令取首級指認確實訊據余佐志等供稱這元帥龔其堯卽龔其位之三弟李國珍卽李國清之胞弟李世漢卽國珍之父從前原有數千人自被官兵將龔文玉龔其位李國清卜三聘等拏獲線字號一股全行掃除所剿百餘人各自逃散後來陸續會合有七八十人總躲在巴東興山巫山房縣老山裏又擄得四

五百人這營裏是李世漢李國珍父子二人管
事龔其堯帶兵打仗這一仗已殺完了等語卽
將李世漢李國珍余佐志唐大高趙思文王得
勝等六名戮割處死其戰手周朝富等一百七
十九名一概正法其余佐志之嫂趙氏等與新
近被擄難民共一百三十二名口均送交雲陽
縣解交夔州府知府方積分別辦理又據哨探

雲陽馬槽壩大水田地方現有一股賊匪人數較多或稱張姓尙未確切現在線字號餘匪四五十名諒必與之合夥

臣

擬卽就近分路移師

剿辦又據辦理大寧團勇之總理候補道府鄭成基稟報委員從九品李志昉先後在寨溝野鹿窖太平寨率領團勇堵截零匪殺斃賊匪搶獲各色旗幟騾子並救出難民梁崇飛等多人

知府趙秉淵稟報新寧開縣東鄉渠縣萬縣梁

山各委員率領團勇均能截剿零匪自數名至

一二十名不等此次

臣

經過奉大見各碉寨實

皆堅固連絡團勇等時能截殺零匪

臣

俱面加

獎勵並給以銀牌無不歡欣鼓舞又接據建昌

道劉清稟報已將首逆李彬生擒餘匪洗淨是

川省又將李彬及線字號龔文玉一起餘匪根

株剪盡其田朝貴蕭福祿等合剿張魏賊匪只
有三四百人又由東鄉之南壩場折竄巴州之
方山坪臣業又飭催亦可卽日掃除奏入

上命軍機大臣傳諭德楞泰曰線字號餘匪竄至雲
奉交界經德楞泰督率官兵旁抄後擊該匪憑高
恃險推滾插石抵死下壓我兵屹然不動復分兩
路冒石仰攻乘勢搶上立斃精壯戰手三十餘名

生擒六十四名賊衆亡命狂奔復經德楞泰督同
提督豐紳等分路追剿翻山四重沿途斬殺賊匪
一百二十名生擒二百數十名奪獲馬騾器械甚
多殊屬奮勇可嘉德楞泰著賞給大吉玉牌一塊
四喜玉搬指一個鑲玉帶頭一塊黃辯大荷包一
對小荷包四個又發主大荷包五對小荷包十個
雲玉搬指五個象牙搬指套十個磁鼻烟壺十個

著德楞泰查明分賞出力之員弁等又一兩重銀
牌一百面著分賞此次出力兵勇以示鼓勵現在
線字號敗殘餘匪尙有數十名在逃而白號餘匪
輾轉奔逃爲數較多難保不與合夥德楞泰當趁
此兵威督率各路官兵乘勝追擊上緊跟剿卽將
線字號餘匪及白號股匪一併剪絕根株統俟川
省各股餘匪辦竣奏聞與勒保一同優加懋賞至

獲犯余佐志供稱線字號一股賊匪前經剿散後
僅剩百餘人後來陸續會合有七八十人這幾年
總躲在巴東興山巫山房縣老山裏又擄得四五
百人等語此股賊匪潛匿興巴各處山內且擄掠
至數百人之多何以數年之久地方官竟置之不
辦聽其復行裹脅又成大股卽云川省近年來軍
務殷繁各州縣或另有承辦事件亦必有接署代

理之員豈竟視同膜外毫無見聞本應概行懲辦
但事閱數年歷任正署各員諒必不少現當辦事
需人之際著交德楞泰勒保秉公查辦此內有平
日居官尙好及辦理軍務著有勞績者其功過尙
足相抵姑予免議若實係無事安居闢葺不職者
卽指名叅奏川省深山老林之內恐尙有似此潛
伏匪徒並著通飭地方文武嚴密稽察毋任萌蘖

爲要現在川省正在剿辦樊人傑股匪喫緊之際
恐賊匪被剿情急闖入川東地界德楞泰卽應督
率官兵迎頭堵截以收夾擊之功德楞泰此時不
可遽赴川北惟當在川東暫爲停駐將巫巴餘匪
辦淨兼顧楚境況川楚交界賊匪卽係德楞泰應
辦之事不可拘泥前有分定地界之論遂生畛域
之見也

初八日戊寅額勒登保奏言查苟逆股匪由兩河

烏木梁向西南奔逃臣令楊遇春李應貴等帶

兵由黃柏園跟蹤追剿復親率官兵由二郎壩

牛尾河顧住東南進擊二十五日我兵前隊至

牛尾河該匪正從古木坪塔家溝竄出見有官

兵仍折入老林兵勇等趕入林箐殺賊七名生

擒三名該匪向太白酒西竄查太白酒東北係

太白山老林向無人跡賊匪斷難竄往正北走
磨房溝方柴關可出桃號二川正西由苦竹街
白雲可出鳳縣西南山桑園壩江口可出留壩
路徑極爲紛歧查江口有遊擊營汛設有兵勇
六百名在彼扼截其北面一帶臣前已知會慶
溥率同叅將吳亨衍出斜峪關方柴關緊顧桃
號二川不任折向東遁當又派令扎克塔爾格

布舍副將張煖帶領兵勇由獅子嶺王家楞赴
苦竹街白雲一帶設伏俟其竄出竭力剿殺

臣

卽帶領官兵由栗子壩桑園壩一帶督催探剿
滿擬數路官兵可以併力痛剿乃扎克塔爾等
於二十七日趕抵苦竹街賊匪已由湘子河竄
出白雲間西面有兵追來不敢西遁卽向東北
由方柴關桃川狂奔而去慶溥因宋李賊匪由

寇家關銀母寺一帶向西逃竄已於二十四日
帶兵由方柴關起程往剿現由鳳縣之朱家溝
追去未及於桃川號川攔截苟逆竄蹤適有叅
將吳廷剛遊擊祝廷彪等前經楊遇春派令帶
領兵勇五百名徒步入山搜剿劉永受餘匪於
安溝光頭山斬獲十數名該匪竄入田峪深林
總兵楊芳帶兵在彼搜捕吳廷剛等遂率兵勇

取道斜峪關前來歸隊於二十八日午刻趕至
桃川之沙壩遙見高山之上樹立紅黃旗幟不
料係賊匪屯聚兵勇等向山上詢問該匪等冒
充薛大烈官兵旋即糾衆猛力衝下維時只有
都司范玉龍帶領前隊兵勇百餘名猝不及備
陣亡兵丁四名鄉勇六十四名吳廷剛祝廷彪
等率勇趕到奮力抵敵殺斃賊匪十數名生擒

二名賊匪潰敗向東南竄入藥地溝白雲峽一帶扎克塔爾格布舍等於酉刻趕到桃川

臣

聞

信亦卽由方柴關五里坡兼程進發於二十九日趕抵沙壩訊據獲犯李世貴等供稱我們元帥係苟文明副帥張二張三又有總兵旗手十數人在山內零星湊合共有千數人要從江口出留壩或到甘肅階文一帶或仍由畧沔逃回

四川不料處處有兵只好隨處亂走昨在山上
見前面兵勇不多拚命衝下仍往山內藏躲等
語當將該犯等正法賊匪甫經出山旋又入山
實堪憤恨山內皆係窮巖絕壑密菁深林連旬
以來無論兵力難施卽派往探事之兵勇每被
戕害非仍逼出山外未易掃除本日探得該匪
已由白雲峽入太白梁老林向南逃逸該處又

係萬分險阻馬不能前之地現在派令遊擊王
兆龍守備蘇超率領鄉勇數百名徒步跟追趕
緊轟擊並令扎克塔爾格布舍帶同副將蕭福
祿張瑗等取道斜峪關由辛峪口入山馳赴厚
畛子都督河顧往東面向南進擊一面知會楊
遇春帶領兵勇由磨房溝雞公梁繞赴黃柏園
一帶迎剿臣卽於斜峪關桃川一帶督率剿辦

東西皆可兼顧分兵數路設法轟逼該匪諒難
日久藏匿至劉永受一百餘人現聞已東遁田
峪澇峪一帶有總兵楊芳在彼剿捕又有惠齡
在峪外督率搜緝諒卽可以撲滅慶溥所剿宋
李股匪二百餘人聞於二十七日竄至棧道武
曲鋪慶溥是日追及擒斬數十人餘匪由草涼
驛竄過棧西之唐藏一帶已知會慶溥務將此

股餘匪趕緊剿淨又有慶成派令備弁追剿零

匪百餘人竄往安河廢邱關

臣

又已札囑慶成

督催趕辦均勿稍任蔓延現據穆克登布稟報

本月十四五等日探有零匪一股竄至川境之

高頭壩有關入陝境之勢當卽派令叅將桑漢

等率領兵勇翻界嶺至高頭壩乘夜截擊殲斃

四十餘名生擒四人訊係各股內剿散零星匪寨

合共四五百人只有張姓賊目帶領並無首逆
該匪被剿後仍由川境之羊耳壩逃竄未至入
陝穆克登布現仍偵探川楚邊界賊蹤隨時奮
力剿辦又據防堵西鄉白雄關之總兵九十稟
報本月十五日有零匪十數名於二道坪滋擾
經兵勇殺斃九名生擒四名亦係剿潰餘氛欲
尋大股合夥卽將獲賊正法刻下陝省各處均

皆寧謐惟苟逆及劉李餘匪逃匿南山未得掃
蕩惟有鼓勵將士竭力趕辦總期早清陝境上
慰

聖懷奏入

上命軍機大臣傳諭額勒登保曰此次苟逆股匪從
塔家溝湘子河等處竄出聞西面有兵卽向東北
方柴關桃川一帶狂奔該匪甫經官兵轟逼出山

旋復入山實爲可恨且敢假充官兵猛力衝突兵
勇等猝不及備稍有損折幸吳廷剛祝廷彪等率
勇趕到擊殺賊始潰敗吳廷剛祝廷彪奮勇可嘉
著額勒登保存記俟續有出力再行保奏苟文明
股匪雖敢恃險下壓但一經官兵殲斃十數名立
卽敗竄可見賊勢已就衰殘惟該處山內箐密林
深賊匪潛伏狙伺我兵突入搜捕恐轉墮賊人暗

中詭計與其派令將弁帶兵入山徒步跟追莫若
於賊匪出入必由之各要隘多派將領預先埋伏
爲迎頭截擊之計且山內糧食稀少無可搶掠賊
匪斷不能久存俟苟逆竄出山時官兵即可隨地
痛加剿殺更爲事半功倍額勒登保此時轉不必
過於著急惟當鼓勵將士多方設法相機提擊以
期苟逆速就殲擒加緊馳奏其劉永受及朱李等

零匪爲數無多並著額勒登保督催慶成慶溥楊
芳等上緊分投搜捕全數肅清毋任稍有延緩

欽定剿平三省邪匪方略正編卷三百六

壬戌年

三月十一日

辛巳

惠齡奏言

臣

正在勞峪一帶派

兵入山搜剿劉永受股匪忽據西路探報宋逆

等匪又與苟文明分夥西竄逼近棧道其苟文

明賊匪亦竄至斜峪關內之沙堤一帶

臣

因刻

下西路更關緊要自未便因劉逆零匪受其牽

綴當卽飛飭總兵楊芳趕緊前來探蹤搜剿

臣

卽星夜移營向西前進趕至斜峪關堵剿苟逆
大股又據探報經畧額勒登保督兵抄截苟逆
賊匪已至桃號二川該匪不敢少停旋即翻上
太白山北面高粱老林內藏匿該處山勢險峻
冰雪未消馬匹不能行走額勒登保卽派令扎
克塔爾格布舍帶兵由辛口峪一路抄赴東面
截擊並派遊擊王兆龍帶領兵勇由北面藥地

一路前進額勒登保親率兵勇由白雲峽入山
進剿官兵均棄馬步行額勒登保亦徒步督師
并力轟擊提督楊遇春亦已趕至南面黃柏園
官兵四路兜圍自可迅期得手其宋逆等三百
餘人又與慶成前自黑河打敗零匪五六十人
合夥於二十五日同竄至棧東北星溝經都司
蘭福帶兵堵截鎗礮齊施擊斃賊匪十餘人該

匪卽折向土蜂溝竄出由草涼驛過棧向西狂奔二十六日竄入甘省秦州屬之三岔地方

臣

竊計秦州一帶並無兵備誠恐該匪乘虛深入

非南竄徽兩卽北渡渭河

臣

相距秦州尙有五

六百里之遙一時不能趕到當卽飛札道員朱

爾漢遊擊七十九帶兵趕來兩當屬之楊家店

太陽寺等處攔剿並札調護西鳳營叅將梁廷

秀帶領本汛官兵馳赴隴州渭河北岸嚴密防

堵

臣

亦卽日拔營趕赴甘境惟所帶軍標官兵

八百名本係防守峪口現在苟文明劉永受股

匪尙在山內北面一帶亦不可無兵堵截

臣卽

將該官兵等留駐各峪口並面諭軍標遊擊馬

得探明各峪何處緊要卽先顧何路往來防範

臣

止帶本標官兵六百名由寶雞入山馳至東

河橋地方據報朱逆等匪已經竄至渭河南岸
胡店地方知北岸有備卽折向上下仙坪一帶
游奕適副都統慶溥並提督慶成所派之叅將
吳亨衍等均已抄至賊前顧住西北二十八日
慶溥等帶領兵勇直趨上下仙坪進剿賊匪聞
信狂奔慶溥催兵緊追至木樨溝趕上賊蹤分
投追殺殲斃賊匪二十餘人生擒三名賊匪翻

越辛家山逃遁二十九日仍由草涼驛竄回棧
東已出甘境詎該匪過棧之後又與苟逆分股
之賊百餘人合夥折回土蜂溝一帶屯聚時出
時沒棧道梗塞行旅不通查各省解川餉銀均
在寶雞停留不能起解現當需餉孔急之際未
便日久耽延臣一面帶兵由黃牛鋪一帶自北
而南一面飛飭都司蘭福由廟臺子前來自南

而北兩路官兵隨搜隨進途間正值大雪積地尺餘

臣

鼓勵官兵冒雪登山隨處搜剿該匪等

知有官兵前來卽由鳳縣屬之安河鐵廠一帶

竄往東南平木老林藏匿距棧道已遠適副都

統慶溥等由棧西趕來已抵草涼驛

臣

當卽囑

令分兵兩路進山搜剿以防該匪繞路折回窺

伺棧道一面傳知各省解餉委員卽速起解前

進又接據盤匿縣來稟該縣屬之赤峪田峪西
駱峪等處均有賊匪潛匿或二三十人或五六
十人不等寨勇施放鎗礮擊斃賊匪十餘人諒
係劉永受賊匪零星散竄北面峪口雖有軍標
官兵防堵究難放心此時棧道已通臣無須在

此駐守隨卽札飭護遊擊王瑞麟都司蘭福在
於棧道一帶加意防堵勿令賊匪再致西竄仍

趕赴田峪赤峪一帶探蹤截剿奏入

上命軍機大臣傳諭額勒登保惠齡曰前此賊匪竄入老林額勒登保等總以爲兵力難施必須轟逼出山方能痛剿今宋應伏一股竄入老林後竟由草涼驛越過棧西竄近秦州至渭河南岸幸而慶薄帶兵截回然亦未能痛加殲戮可見將賊匪轟逼出老林仍屬無益朕思宋逆忽出老林不暫停頓

仍由原路入山或係苟逆差伊探聽山外何處有
兵何處無備以便全夥竄出肆掠亦未可定爾等
不可不防此時額勒登保因苟逆一股竄入高梁
老林派令札克塔爾格布舍王兆龍等分路進擊
伊親率兵勇徒步入山并力轟擊楊遇春亦已起
至黃柏園兜剿但賊匪詭詐異常安知不故引官
兵盡數入山以便乘間竄出平原恣其狂妄轉至

墮賊詭計試思宋逆賊匪不過三百餘人竄出老
林惠齡等尙不能攔截設苟逆大股由山內逸出
彼時豈惠齡所帶數百軍標官兵所能阻遏耶額
勒登保等不可徒爲入山轟逼之計總須設法熟
籌於老林外各要隘處所多設重兵聲勢聯絡預
爲防範庶賊匪出山卽可就地截擊絕其逃竄之
路方能一鼓殲滅其劉永受及零星散匪額勒登

保惠齡亦須飭催帶兵領速行掃除爲要

十二日

壬午

勒保奏言查田朝貴追剿張魏餘匪

乘勝緊躡已向巴南一路

臣

當卽督兵繼進該

匪聞官兵跟蹤追擊卽晝夜狂奔向南江所屬

之劉坪孫家坪一帶逃竄適建昌道劉清正在

平梁城辦理團練一聞賊匪竄近之信卽調千

總陳安邦候選通判劉星藻及辦理團寨之委

員田文烜等分帶兵勇探蹤迎截該匪竄至巴
州之青趕渡正與兵勇相值陳安邦劉星藁等
督率兵勇迎頭衝殺田文烜率領團練壯勇協
同剿捕賊匪猝不及防滾崖落水紛紛逃散兵
勇追殺五六里殺賊二十七名殲斃騎馬賊目
一名臨陣逃出男婦十五名口餘匪分作三四
股每股或四五十人或七八十人向官渡溪長

池壩兩河口等處分竄

臣

正在督催田朝貴等

帶兵探剿適據太平東鄉探報有賊匪一股從

陝省邊界由竹峪關竄來約六七百人

臣

查張

魏餘匪屢經痛剿所剩不過二三百人業經散

竄只須分投搜捕而竹峪關新來股匪賊數較

多必須以大隊兵勇迎擊方可不致蔓延

臣

當

卽一面飛飭劉清督率鄉勇並團練人等將張

魏股內剿散之賊四路搜捕猶恐劉清究係文
員僅帶鄉團各勇並無兵力

臣

當於本營撥出

遊擊馬績恒慶等分帶官兵六百五十名前赴

劉清一路會同辦理其田朝貴所帶兵勇調令

由東鄉取道迎剿新來竄匪二十八日田朝貴

帶兵行抵土主廟探得該匪已到老君場相距

我兵八十里田朝貴卽連夜進兵黎明行抵

老君場賊匪正在起竄官兵趕及賊尾殺斃十
餘名生擒十餘名查訊賊蹤知大夥已向茅壩
子奔竄田朝貴當卽帶領官兵間道抄襲從倪
家坪繞出萬古樓望見賊匪數百人蜂擁而來
田朝貴卽派遊擊羅思舉薛陞王忠桂分帶兵
勇由左右兩路抄擊田朝貴親率都司馬建廷
守備鍾廷孝劉寶元等由萬古樓正路衝殺立

時斃賊七名賊衆敗走奔向帽頂山搶佔山梁
抗拒我兵奮勇仰攻鎗箭齊發殺斃賊匪五六
十名生擒五十餘名該匪分投奔逃一股由梯
耳崖向青溪場一股由劉家溝向金鷺寺一股
由五道口向馬風山紛紛竄逸官兵分路追剿
沿途斬獲一二十名四五十名不等至晚回至
普光寺查點各路兵勇共殺賊八九十名生擒

男婦一百三十五名口搶獲賊旗鎗矛騾馬牛

隻甚多

臣

當將活賊提訊據僞先鋒宋得全等

供稱此股賊匪係白號張子聰餘黨自張子聰
死後伊姪張簡帶領餘匪在川陝邊界老林藏
躲近日與藍號餘黨楊姓共湊合六七百人從
太平走到東鄉地方被官兵剿敗他們不知逃
往何路等語訊明後當將該犯並戰手康登

王等七十名分別正法其餘被擄難民張傳文
謝四妹等六十五名口查明原籍遞回安業探
得此股賊匪尙剩四五百人向豐城上八廟等

處分竄

臣

現在督催田朝寅跟探剿辦至賽沖

阿一路官兵自與

臣

分路後卽由天池寺燈草

壩一帶追剿陳自得餘匪途次連遇大雨官兵
冒雨追躡沿途有逃出難民訊得該匪已竄向

羊子嶺殷家溝等處賽沖阿當卽督率官兵趕
緊追至桃溪河賊匪已於先一日過渡適是日
大雨河水漲發溜急人馬俱不能渡當選善泅
水之兵勇數名覓水渡過對岸將大繩橫截河
面馬步兵勇牽繩淌渡過河趕上賊匪侍衛富
森德協領穆騰額副將馬元守備史定川等分
帶馬步兵勇爭先衝殺斃賊三四十名生擒十

二名立時正法賊匪被剿情急四散狂奔又涉
水淹斃二十餘名餘匪尚有百餘人向溫湯井
蕭家山長流水碗架山等處奔逃賽沖阿現飭
官兵分投搜捕至張志林一路官兵在開縣搜
剿零匪二十日探得土黃壩地方有零匪一股
約有二三百人張志林當卽帶兵探剿行抵玉
皇觀探得該匪正在前面樹林避雨張志林當

分派遊擊夏雲龍都司畢萬年爲一路遊擊唐
際盛守備周士貴吳芝秀爲一路分帶兵勇左
右抄截張志林督同遊擊鄔海慶帶領兵勇直
前衝擊該匪一見官兵卽翻山四竄我兵四路
追躡殺斃賊匪五十餘名生擒二十三名奪獲
長矛三十三桿餘匪向梁山萬縣一帶奔竄張
志林當將生擒賊匪解交開縣審辦仍帶兵追

剿行抵梁山途次據探報該境饘饉廠地方有
零賊數十人在彼晝伏夜出摸樁爲害張志林
卽帶領官兵探蹤搜剿二十六日行抵該處賊
匪正在山溝潛匿我兵一擁上前殲斃賊匪五
十餘名逃出被擄男婦十二名口查訊此股係
青號旗手李士賢帶領餘匪六七十人在此藏
匿今被官兵圍住殲淨張志林當將臨陣逃出

之難民解交梁山縣訊釋因探得前竄梁萬餘
匪已竄至鄆都一帶張志林當卽由墊江隣水
長壽一路前往迎擊至川東一路昨接德楞泰
來信近日在巫山一帶截回賊匪一股竄向奉
節雲陽地方約有八九百人現派豐紳武隆阿
等帶兵追擊臣查此股賊匪爲數較多設逼剿
西來又必竄近忠萬一帶腹地臣已飛飭張志

林就近偵探如果該匪等向西奔竄官兵卽迎頭截擊以冀與豐紳武隆阿等收兩面夾擊之

效再

臣

前據建昌道劉清等稟報在南江巴州

一帶聞李辛餘匪約三百人竄至該境卽督率

委員軍功壯勇人等將首逆李彬及辛聰之弟

辛文設伏生擒

臣

查李彬一犯去年十月間經

經畧額勒登保親將全夥剿淨惟該逆隻身逃

說因何此時復有匪衆三百人之多

臣

當卽提

犯研訊據李彬供係達州人胞兄李華向來習
教嘉慶元年跟著冉文儔造反我與哥子跟在
冉文儔一路哥子死後我便接手管領四年正
月冉文儔在麻壩寨被官兵殺死姪兒冉添元
接手管事冉添元被拏之後我們分營王士虎
爲左營元帥陳朝觀爲右營元帥我爲中營元

卽我領有一千多人到處搶掠屢被官兵打散
後來有張添倫楊開甲各股內打散的人湊了
二百多人又有這辛聰的兄弟辛文亦帶些人
前來合夥走到南江鐵厰坪被鄉勇擒住是實
據辛文供係襄陽宜城縣人胞兄辛聰嘉慶元
年從張添倫造反二年五月我投入齊家營九
月間張家與齊家合營我便歸到辛聰一路去

年十一月在麻柳灣打仗虧折剩有一百多人
在川北老林內躲避本年正月辛聰在關門子
遇見官兵拏去我帶了幾十個人逃到山裏遇
見李彬合夥行走二月初八日在南江鐵廠坪
被鄉勇拏住是實臣訊明後當俱轢割示衆仍
傳首級川北地方以快人心而彰

國憲

同日陸有仁奏言連日復據探報苟逆大股賊匪由寶雞之白雲號川一帶竄至岐山之桃川經畧額勒登保現在安河方柴關一帶探蹤截擊並因楊遇春節次剿殺劉逆股匪人數無多卽令專交總兵楊芳搜捕調出楊遇春由磨石溝一帶剿辦大股之賊其總兵薩大烈之兵已由褒沔寧羌等處回歸川省又宋逆股匪自苟

逆營內分出約共三四百人竄至留壩之桑園壩與前此都司張起鰲剿剩之餘匪數十人合爲一夥由鳳縣北星溝竄出經都司蔺福帶兵趕到鎗斃賊匪十餘名該匪卽由黃牛舖大路竄入甘省慶溥吳亨衍帶兵趕至木樨溝一帶兜截殲擒二十餘名賊卽折向辛家山慶溥等緊躡追截慶成派令守備李如緒等亦由唐藏

至兩當縣境兜剿現已移至畧陽之何家巖以
備迎擊又川省通江賊匪兩股一股三四百人
竄至兩河塘一股千餘人竄至香鑪山俱逼近
陝界梳子巖花石梁等處卡隘臣當卽飛札慶
成德忠堵截並督飭地方官鼓勵寨勇合力嚴
防頃據德忠報稱賊匪三百餘人竄入梳子巖
卡內德忠因正在堵剿香鑪山大股之賊當派

守備黃林由海口壩馳至梳子巖奮力堵剿並
經寨勇協助官兵轟擊賊匪四散奔逃業已逼
出境外現仍趕緊搜剿各等語查此時苟逆大
股勢將西竄南山內尚有劉逆殘匪及零星潛
伏之賊現今總兵楊芳帶兵剿洗臣復飛飭地
方官並查寨委員鼓勵寨勇協力搜捕以期及
早肅清

同日慶成奏言

臣

帶兵搜捕黑河潛匿賊匪並

派兵勇跟追過棧剿捕茲據都司張起鰲守備

李如緒等報稱帶領兵勇緊躡追至棧東谷岔

河蘇家溝大梁等處兩次奮力斬擒僅剩零匪

五六十人鑽林散逃臨陣奪獲陣亡都司李廷

彪頂帽衣物並於所擒活賊內訊出戕害該都

司之襄陽賊曰陳茂徐及萬二名專差押赴該

都司停柩處所衛尉祭奠守備李如緒等挑帶壯健兵勇穿林窮追至鹽廠溝詎有宋應伏之賊二三百人向西北奔逃其零匪得以合夥同竄查鳳縣西北緊接秦兩地方該匪過棧卽入甘境正值東作方興農民下寨恐殘孽往來游奕擄掠增多守備李如緒兵力不敷截剿臣卽自褒沔帶兵趕赴西路策應途次畧兩地界之

兩河接據探報宋逆賊匪於二十五日竄至鳳
縣之北星溝有留壩都司蘭福帶兵趕往堵剿
而該逆狡猾繞林西竄兩當守備李如緒連夜
抄徑於二十七日至東岔溝口老林卽與賊遇
該匪捨死衝突守備李如緒與外委周明帶領
兵勇首先搶佔山梁扼住要路截擊該匪不能
竄越半夜由原路折回桃花坪孟家灘一帶共

計殺賊二十餘名生擒二名搶獲騾馬十二匹
又接副都統慶溥來信率領兵勇跟蹤追至桃
花坪遇該匪被我兵截殺折回督兵殲剿擒斬
數十賊餘匪向東狂遁旋據鳳縣具報本月初
二日宋逆殘匪經官兵截剿折回棧東現在慶
溥帶兵緊躡追剿臣飛札守備李如緒務須乘
機協力剿除探聞經畧額勒登保在東路白雲

方柴關一帶剿辦苟逆股匪距棧較近

臣

若撤

出褒沔相隔西路更遠暫於沔畧之間偵蹤扼
截均奏入

上命軍機大臣傳諭勒保曰此次田朝貴張志林賽
冲阿等搜剿各股散竄之賊皆有斬獲川中事機
順利不日可冀全境肅清欣慰之至現在張子聰
餘黨所剩四五百人勒保督催田朝貴跟蹤剿辦

其陳自得餘匪只剩百餘人向溫湯井等處四路
奔逃賽冲阿現飭官兵分投剿捕而張志林所剿
青號旗手李十賢亦不過五六十人更可卽日殲
除至劉清素日勇往朕所深知其督率團勇將張
魏股內剿散之賊四路搜捕甚爲得力勒保又派
遊擊馬績等分帶官兵六百餘名前往幫同剿捕
所辦甚是惟計日以待捷音之踵至又本日據陸

有仁奏川省通江有兩股賊匪一股三四百人竄至兩河塘一股千餘人竄至香鑪山經陝省官兵逼出境外等語此二股賊匪係從川省何股賊匪分出係何姓名現在既經陝境截回四川邊界會否派官兵在彼剿辦並著查明覆奏

上又命軍機大臣傳諭陸有仁曰陸有仁奏川省通江賊匪兩股一股三四百人竄至兩河塘一股千

餘人竄至香鑪山俱逼近陝界陸有仁當卽飛札
慶成德忠上緊堵截並經寨勇協助官兵轟擊賊
匪四散業已逼出境外此次通江竄匪旣經陝省
截回勒保現在川北已降旨令其分兵殲剿並著
伊查明究係何股分出賊目係何姓名據實具奏
陸有仁亦當詳細偵探此兩股是否搜剿淨盡賊
股中有無著名首逆遇便覆奏

上又命軍機大臣傳諭慶成曰慶成奏探聞截剿宋
應伏股匪未至深入甘境與昨日惠齡所奏情形
大畧相同宋應伏旣已折回棧東慶溥等雖經帶
兵緊躡追剿但恐其竄回老林無從掠食又有額
勒登保等帶兵轟擊不能在山久匿勢必仍復出
山非西竄甘省卽南竄川北慶成現在駐兵沔畧
之間自可扼要兼顧一俟該匪逃出南山卽當就

地痛剿速將苟逆殲擒卽或不能在陝省境內剿
除淨盡亦須併力向川北轉逼該處有勒保督兵
在彼可以迎頭截擊斷不可令其闖入甘境致滋
蔓延爲要再本日據陸有仁奏川省通江賊匪兩
股一股三四百人竄至兩河塘一股千餘人竄至
香鑪山此兩股零匪是否全數逼回川境何以未
據慶成奏到慶成駐紮處所距川北不遠若賊匪

復思乘間折入陝境該提督務當上緊截剿毋少

疎縱